

МЕСЯЦА ИЮЛЯ В 20-Й ДЕНЬ (2 АВГУСТА ПО Н. СТ.)

Преподобномученика Феодора (Абрѣсимова), Печѣнжскаго

НА МАЛОЙ ВЕЧѢРНИ

На Господи, воззвах: стихирѣ на 4. Глас 6:

Восхва́лим днесь пѣсньми страдальца земли́ нашея Кольския, / преподобномученика Феодора. / Сей бо, измлада Христа́ возлюбив, / остави Поморскую зѣмлю отѣчества своего́ / и отыде в дальнюю страну́, / идеже, неленостно Бо́гу и бра́тии угожда́я, / во утвержде́ние ве́ры Правосла́вныя во язы́цех, / сущих далѣче от конѣц земли́, бде и наслѣди. / Ны́не же, во обители́ Небе́сныя прія́тый, / моли́ Христа́ Бо́га // поми́ловати ду́ши на́ша.

Я́коже Серге́й вели́кий с бра́том Стефа́ном, / такожде и ты, о́тче Феодоре, / оставль дом о́тец своих, во обитель Печѣнжскую всели́лся еси́, / бра́т же твой мнѣй по днѣх мно́зех остави бо Трифоново селѣние / и па́ки возврати́ся в родно́е Поморіе. / Ты же в любви́ Господни́и крѣпость обрѣл еси́, / и вся претерпѣл еси́, я́ко во́ин Христо́в добропобѣдный, / и, ду́шу свою́ за Христа́ положи́в, // жити́е свое́ венце́м страда́ния увенча́л еси́.

Исполни́шася днѣе, наста́ша времена́ лю́та, / и, я́ко бегле́ц, ты во Фѣнскую страну́ изгна́н бысть, / преподобномучениче Феодоре. / Со свято́ю обители́ю Печѣнжскою Христу́ послѣдовав, / Оте́чество свое́ оставил еси́, / и со бра́тией мнѣшеской пришѣлец в земли́ чужде́й и иносла́вней был еси́, / и ве́рный раб яви́лся еси́ Спа́са Вседержи́теля; // те́мже почита́ем па́мять твою́ всечестну́ю.

Вся прило́ги лука́выя претерпѣл еси́, доброхва́льне Феодоре, / упова́нием неукло́нным на Бо́га, Спа́са твоего́. / Срѣдницы твоѣй единокро́внии / стра́ха ра́ди сме́рти от безбо́жных отверго́шася тя. / Ты же, зело́ скорбя́, моли́лся еси́ о спасѣнии их, / да и мы сохрани́мся твоими́ моли́твами, // и Бо́га всех ми́лующаго заступле́нием.

Сла́ва, глас 6:

Изря́днаго уго́дника Христо́ва пѣсньми благохва́льными почти́м, / я́ко и́го злоключѣний и страда́ний за Христа́ восприя́л есть. / От Него́ же в

Царствию Божию, / яко доблестный воин, в подвиг славы облечен был еси, /
Избавителю Богу вопия: // благословите, вся дела Господня, Господа.

И ныне, Богородичен, глас тотже:

Радуйся, звездой светозарная, / Свет, прежде денницы от Отца
возсиявший, неизреченно рождающая, / Того сиянием озари души наша, //
спящая во тьме и сени смертной.

На стиховне стихире, глас 4:

Промыслом Божиим и человеческим избранием / был еси друг верен
Пайсию преподобномученику, игумену обители Печенжская, / и
помощник в скорбях презренных, обретших братию зело. / Помози и
нам, отче Феодоре, / верно чтущим память твою, // в вере истинной
утвердись.

Стих: Честна пред Господом / смерть преподобных Его.

Земная отринув, Небесная себе уготовляя, / яко страдалец за
истину, / мужественно ради брата своего не оставил вины славы
обители. / Даже до крове пострадавший, противу хульников, / гонителей и
досадителей Церкви подвизавыйся, / Небесная сладости вкусил еси,
страстотерпче дивный, / себя сладости испроси и нам у Христа, Спаса
нашего, // яко молитвенник о душах наших.

Стих: Блажен муж, бояйся Господа, / в заповедех Его восхощет зело.

Днесь сошедшая, искренняя твоя / пояху и благословляху Господа /
в благопочитание летняя памяти твоея, / преподобномучениче Феодоре: /
яко воин Христов добротворный, / вере Православной и Христову
воинству верен пребыл еси / и сто семнадцатым мучеником
Печенжским / в народе Божии нареклся еси. / Того ради житием твоим
праведным / истинный нам путь к Небесам указуеши // и молишися пред
Господом о спасении душ наших.

Слава, глас тотже:

Радуйся, преподобномучениче Феодоре, / мужественно возвращая во
Отечество свое, / идеже веру Христову поругаему обрел еси / и себе
самого, яко жертву живую, Богу принесл еси. / Ныне Христу предстоя,
молись, святе, // даровать людям нашим мир и велию милость.

И ныне, Богородичен, глас тойже:

К покрову Твоему прибегаем, / Дево Богородице, / и молим Тя: скоро на помощь нас, верно чтущих Тя, предвари / и от враг видимых и невидимых избави, // Ты бо еси заступление наше.

Тропарь писан на велицей вечерни.

Ектения малая и отпуст.

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8, глас 8:

Душу твою и тело от страстей очисти еси, / якоже разжизается серебро, и якоже искушается золото, / красная мира от юности твоя презрел еси, / из земли Поморския, от веси Чаваньжския / с братом меньшим во обитель преподобнаго Трифона отшел еси / и, радуясь, последовал еси Христу, яко крестоношения возлюбивый. / Ныне же, вшед в Царствие Небесное, / престолу Бога Живаго предстоиши, // хвалу Ему с лики новомученик Российских возсылая. *(Дважды.)*

Отечеству земному в чине войдем усердно послужив / и крепок во бранех быв, достохвальный Феодоре, / обаче паки воинству Христову приобщитися / и единому Богу поработати zelo возжелел еси, / и пришед во отечество свое, // паки во обитель возвратися. *(Дважды.)*

В братстве иночестем усердно подвизався, Феодоре всехвальне, / восходил еси от силы в силу, / украшение иноков явился еси, преподобномучениче, / добре сих к Небеси наставляя. / Темже ныне, во тме греховней сущия, ны просвети / и, яко дерзновение имея ко Господу, Спасу нашему, // Того моли спастися душам нашим. *(Дважды.)*

Столп непоколебимый веры Христовы / и истинный ревнитель жития мнишеского был еси, преподобномучениче, / бодренно стоя за святую Православную веру. / Разум наш просвети / и нас, верно чтущих память твою, в вере утверди // ко спасению душ наших. *(Дважды.)*

Слава, глас 8:

Завѣты сострадальцев Христовых воспріемь, / дѹшу свою за веру отѣческую положил еси, святе Феодоре, / верный оружник Христова воинства. / В жертву Богу себе самаго принося, / в сердце твоём хранил еси образ Христа, Агнца непорочна, / и ныне воссиял еси во Царствии Небеснем, / идеже любовью упокоевает Господь // всех верных жертвенной любви Его.

И ныне, Богородичен, глас тойже:

Царь Небесный за человеколюбие на земли явися, / и с человеки поживе, / от Девы бо Чистыя плоть приемый / и из Нея прошедый с воспріятием. / Един есть Сын, сугуб естеством, / но не Ипостасию. / Темже совершенна Того Бога / и совершенна Человека воистину проповѣдающе, / исповѣдуем Христа Бога нашего: / Егоже моли, Мати Безневѣстная, // помилуй души наши.

Вход. Прокімен дне и чтѣния три.

Пророчества Исаиина чтѣние:

Тако глаголет Господь: вси языцы собрѣшася вкупе, и соберутся князи от них. / Кто возвестит сия в них? / Или яже от начала, кто слышана сотворит вам? / Да приведут свидѣтели своя, и оправдятся, и да услышат, и да рекут истину. / Будьте Ми свидѣтели, и Аз Свидѣтель, глаголет Господь Бог, и отрок, егоже избрах: / да познаете, и веруете Ми, и разумѣете, яко Аз есмь: / прежде Мене не бысть ин Бог, и по Мне не будет. / Аз есмь Бог, и несть разве Мене спасающа. / Аз возвестих и спасох, уничижих, и не бе в вас чуждый. / Вы Мне свидѣтели, и Аз Господь Бог, и еще от начала Аз есмь, и несть от рук Моих избавляяй: сотворю, и кто отвратит то? / Сіце глаголет Господь Бог, избавляяй вас Святыи Израилев.

Премудрости Соломоновы чтѣние:

Праведных души в руке Божией, и не прикоснется их мука / Непщевани быша во очесех безумных умерети, и вменися озлобление исход их, и еже от нас шествие – сокрушение, они же суть в мире. / Ибо пред лицомъ человеческимъ аще и муку примут, упование их безсмертія исполнено. / И в мале наказани бывше, великими благодѣтельствовани

бúдут, яко Бог искуси́ я и обрѣте их достóйны Себѣ. / Яко злато в горни́ле, искуси́ их и, яко всеплóдие жѣртвенное, прият я. / И во врѣмя посещѣния их возсия́ют и, яко йскры по стѣблию, потекúт. / Сúдят язýком и облада́ют людьми́, и воцарѣтся Госпóдь в них во вѣки. / Надѣющиися Нань разумѣют йстину, и вѣрнии в любви́ пребúдут Емú. / Яко благодать и мѣлость в преподóбных Егó, и посещѣние во избранны́х Егó.

Премúдрости Соломóновы чтѣние:

Праведницы во вѣки живúт, и в Гóсподе мзда их, и попечѣние их у Вы́шняго. / Сегó ра́ди приимут Цáрствие благолѣпия и венѣц добрóты от руки́ Госпóдни, занѣ десни́цею покрýет я и мýшцею защитѣт их. / Приимет всеорúжие рвѣние своѣ и вооружѣт тварь в мечь врагóм. / Облечѣтся в броня́ правды и возложѣт шлем – суд нелицемѣрен. / Приимет щит непобедѣмый – преподóбие, поострѣт же напрáсный гнев во ору́жие, спобóрет же с ним мир на безúмныя. / Пóйдут праволúчныя стрѣлы мóлниины и, яко от благокрúгла лúка облакóв, на намѣрение полетя́т. / И от каменомѣтныя я́рости испóлнь падúт гра́ды, вознегодúет на них вода́ морская́, рѣки же потопя́т я на́гло. / Сопротѣв стáнет им дух сѣлы и, яко вѣхор, развѣет их, и опустошѣт всю зѣмлю беззакóние, и злодѣйство превратѣт престóлы сѣльных. / Слы́шите úбо, царие, и разумѣйте, навѣкните, судий концевъ землѣ. / Внушѣте, держáщи мнóжества и гордя́щиися о наро́дех язýков, яко данá есть от Гóспода держа́ва вам и сѣла от Вы́шняго.

На литѣи стихѣра хра́ма и свята́го, глас 1:

Во обѣтели Печѣнжстей пóдвигом йноческим дóбре подвизáвся, / преслáвный Феóдоре, / и достóйно звáнию ходѣв, / плоды́ принѣсл еси́ Христóва смирѣния, / яко дрѣво благосенноли́ственное, / и нас научѣ смиря́ти дúши на́ша пред Отцѣм Небѣсным / в скóрбех и различных обстоя́ниих, / да обря́щем вѣчную побѣду с тобóю, // Христóвым страдáльцем.

Глас 2:

Приидѣте, вѣрнии, / пáмять преподобномúченика Феóдора почтѣм, / лику же неисчѣтному дóблественных мúчеников приобщи́ся / и собóру Кóльских новомúчеников основáние твѣрдо положѣ. / Молѣтвенно притецѣм к страстотѣрпцу за вѣру Правослáвную свята́ю, / печáльнику

землі на́шея се́верныя, / и слéзно то́му возо́пи́ем: / на́ста́ви нас ве́рою пра́вою восхваля́ти Го́спода // ко спасе́нию душ на́ших.

Сла́ва, глас 2:

Ревну́я о ве́ре Правосла́вней, / возско́рбел еси́ печа́лию ве́лиею, / я́ко ве́ра сия́ от неправове́рных попира́ется, / и гоне́ния мно́гия претерпе́л еси́ за ню, / и кро́вию муче́ний зе́млю Ко́льскую освяти́л еси́. / Те́мже и мы, ча́да тво́я, любо́вию во́пи́ем ти: / сла́ва Да́вшему ти кре́пость, / сла́ва Венча́вшему тя, // сла́ва Просла́вльшему тя с новому́ченики Росси́йскими.

И ны́не, Богоро́дичен, глас то́йже:

Защи́ение и покрóв еси́ христиа́ном, / Влады́чице Богоро́дице, / осени́ и нас, лю́те стра́ждущих, покрóвом Тво́йм, // да непреста́нно славосло́вим милосе́рдие Твоё.

На стихóвне стихи́ры, глас 4:

Ра́дуйся, преподо́бному́чениче Фео́доре, / сосу́де Бо́жий избра́нный, / ны́не, боле́зни в муче́ниях и ско́рби в смире́нии потерпе́в, / по завету́ Хри́стову ве́чный живо́т обре́л еси́. / Та́ко и мы возглаго́лем: / возлюбите́ Го́спода и обря́щете сла́ву ве́чную / и поко́й со избра́нными, // е́гоже да улу́чим моли́твами уго́дника Бо́жия Фео́дора.

Стих: Честна́ пред Го́сподем / смерть преподо́бных Е́го.

Ра́дуйся, мона́хов похвало́, / да возвели́чиши люде́й правосла́вных достохва́льным жити́ем тво́йм / и сла́вным сто́янием в ве́ре Хри́стовой. / Ты, слéзы и по́ты обильно пролива́я, / ду́шу твою́ от страсте́й очи́стил еси́, / та́же му́ченическими кровью́ себе́ са́мого в же́ртву Го́споду прине́сл еси́. / Те́мже и ны́не моли́твами тво́ими / испроси́ у Светода́теля Хри́ста / ми́ра и утвержде́ния Це́ркви на́шея, // и просвеще́ния душам на́шим.

Стих: Блаже́н муж, боя́йся Го́спода, / в за́поведех Е́го восхо́щет зело́.

Блажи́м тя, преподо́бному́чениче Фео́доре, / ты, я́ко муж богобоя́зливый, / упова́нием на Бо́га себе́ ополчи́в, / возста́л еси́ проти́ву враго́в ве́ры Правосла́вныя, / не устраши́вся ни темни́цы, ни уз, ни муче́ний, ни сме́рти, / но, вся сия́ претерпе́в, вене́ц победный от Бо́га

восприял еси. / Сего ради молим тя: моли Христа Бога // оградити Церковь нашу от наветов вражиих.

Слава, глас 4:

Отче Феодоре, / пострадав и досажден быв за исповедание веры, / радость пресветлую и пречестную славу наследовал еси / и Вышнего града святого, / Иерусалима нова, сходяща от Бога, / сонаследник явился еси, страстей победителю, / да видяще, како любит Господь верных своих, // и мы Царствию Христову приобщимся.

И ныне, Богородичен, глас тойже:

Призри на моления Твоих раб, Всенепорочная, / утоляючи люта на ны востания, / всякия скорби нас изменяючи, / Тя бо, Едину, твердое и известное утверждение имамы, / и Твое предстательство стяжачом. / Да не постыдимся, Владычице, Тя призываючи, / потщися на умоление Тебе верно вопиющих: / радуйся, Владычице, / всех помощи, радости и покрове, // и спасение душ наших.

На благословении хлебов тропарь преподобномученику дважды и Богородице Деве: единожды.

Тропарь, глас 5:

Злострадания и горькия работы / от безбожных и скверных, продерзостию и силою напыщенных, / претерпел еси, мучениче Феодоре, / Церкви послушание даже до смерти явил еси, / сего ради венцем доброты и диадимой Царствия венча тя Христос Бог, / Егоже моли, благодаранный заступниче земли Кольския, // да очистимся от всякия скверны покаянием.

НА УТРЕНИ

На Бог Господь: тропарь святого (дважды),

Слава, и ныне, Богородичен: Радуйся, двере Господня непроходимая:

По 1-й стихологии седален, глас 6:

Житием твоим земным Ангелом безплотным уподобился еси, преподобномучениче Феодоре, / врага бо прегордаго смирив,

крестоношение Бóгови угоднó совершил еси́. / Тёмже днесь, почитающе пáмять твою́, молимся: / моли́ спастися душáм нáшим. *(Двáжды.)*

Слáва, и ны́не, Богорóдичен:

Бóга Слóва породилá еси́, / зачénши во чрéве безсéменно, Неискусобráчная Дéво, / Тогó моли́ о душáх нáших.

По 2-й стихоло́гии седа́лен, глас 6:

Грозд духо́вный на олта́рь Божéственный себé принéсл еси́, преподобномúчениче Феóдоре, / и свети́льник в мéсте мра́чне явил́ся еси́ твёрдым стоя́нием за véру Правослáвную / и безстра́тным исповéданием ея́. / Тёмже пáмять твою́ прísно пéсньми восхваля́ем véрно. *(Двáжды)*

Слáва, и ны́не, Богорóдичен:

Кáко не дивímся богомúжному Рождествú Твоёмú, Пречестнáя? / Ужáсно бо чúдо зачáтия, и несказáнен óбраз Рождествá в Тебé показáся. / Рождéннаго Тобóю моли́ прости́ти прегрешéния нáша.

Величáние:

Величáем тя, / преподобномúчениче Феóдоре, / и чтим пóдвиги и страдáния твоя́, // яже за Христá претерпéл еси́.

Псалóм избрáнный:

Вестъ Госпóдь путь прáведных и путь нечестíвых погíбнет. / Рабóтайте Гóсподеви со страхом и рáдуйтесь Емú с трéпетом. / Ты же, Гóсподи, Застúпник мой еси́, Слáва моя́ и вознося́й главú мою́. / Помíлуй мя, Гóсподи, я́ко нéмощен есмь, исцели́ мя, Гóсподи, я́ко смятóшася кóсти моя́. / Отступíte от менé вси дéлающии беззакóние, я́ко услы́ша Госпóдь глас пла́ча моего́. / Гóсподи, Бóже мой, на Тя упováх, спаси́ мя от всех гоня́щих мя и избáви мя. / Пóмощь моя́ от Бóга, спаса́ющаго прáвыя сёрдцем. / Да упováют на Тя зна́ющии íмя Твоé, я́ко не оста́вил еси́ взыска́ющих Тя, Гóсподи. / Ты, Гóсподи, сохрани́ши ны и соблюде́ши ны от рóда сегó и во век. / Возда́ст ми Госпóдь по прáвде мое́й и по чистоте́ руку́ моею́ возда́ст ми. / С преподóбным преподóбен бúdeши и с мúжем неповíнным неповíнен бúdeши. / Закóн Госпóдень непорóчен, обраща́яй дúши, свидéтельство Госпóдне véрно, умудря́ющее младéнцы.

По полиелѣи седáлен, глас 4.

Подóбен: Явѣлся есѣ:

Узы и скорби крѣтко претерпѣл есѣ, / дáже до смѣрти с Гóсподем пребѣв, / получѣв совершенное спасѣние, / отѣде от житѣя приврѣменнаго с весѣлием и восклицáнием, / во хвалѣниих и всеблагоглáсных пѣниих // благодаря Бóга отцѣв и Спáса нáшего Иисúса Христá. *(Двáжды.)*

Слáва, и ны́не, Богорóдичен:

Надѣждо непосты́дная надѣющихся на Тя, / Едѣна Рóждшая пáче естества плóтию Христá Бóга нáшего, / Тогó со святѣми преподобномúченики моли́ подáти вселѣнной очищѣние прегрѣшѣний / и всем нам прѣжде концá житѣя исправлѣние.

Степѣнна, 1-й антифѣн 4-го глáса. Прокѣмен, глас 4: Честнá пред Гóсподем / смерть преподóбных Егó. **Стих:** Что воздám Гóсподеви о всех, яже воздаде́ ми? **Евáнгелие от Мáрка, зачáло 37.**

По 50-м псалмѣ стихѣра, глас 6:

Возлю́блен быв Бóгом от чрѣва мáтерня, / вѣрен был есѣ дáже до смѣрти, / леств безбóжнаго сýетства разоряя, / мúжески подвизáвся протѣву врагѣв Цѣркви Правослáвныя, / враждúющих стáду Бóжиему, / тех злохѣтрости, и неѣстовства, и кóзни низложѣл есѣ / и венѣц пóчести приял есѣ. / Спасáй нас, я́ко предстáтель наш, Феóдоре, // преподóбне страда́льче.

Канѣн Богорóдице со ирмѣсом на 6, и святáго на 8, глас 8.

Песнь 1

Ирмѣс: *Вѣду прошѣд, я́ко сýшу, / и егѣпетскаго зла избежáв, / изрáильтянин вопия́ше: // Избáвителю и Бóгу нáшему поѣм.*

Запѣв: Святѣй преподобномúчениче Феóдоре, // моли́ Бóга о нас.

Завѣты сострадáльцев Христѣвых восприѣмь, / я́коже дрѣвле Моисѣй, воевѣдствуя иудѣйскому язы́ку, / тáко и ты, свя́те Феóдоре, ополчѣлся есѣ за лю́ди правослáвныя и чтѣлище Бóжие. / Ны́не, вшед в Цáрство Небѣсное, Престѣлу Бóга Живáго предсто́иши, / хвалú Емú с ли́ки за вѣру страда́льцев возсылáя.

Вёрный ору́жник Христо́ва во́инства яви́лся еси́, / вѣка сего́ безбо́жнаго клеверѣты обличи́л еси́ и уст их лжу / и ны́не просия́л еси́ во Ца́рствии Небѣснем, / иде́же любóвию упокоевáет Господь вѣрных жѣртвенной любви́ Егó.

Яко исповѣдник и яко страда́лец за вѣру Христо́ву украше́нный, / причастился еси́ неотъѣмлемыя, óтче Феóдоре, ра́дости, / на си́лу крѣстную упováние своё несумнѣ́нно возложив, / тѣмже во обители Небѣсныя всели́лся еси́.

Богорóдичен: От ви́димых и неви́димых врагóв изба́ви мя, Рóждшая всех Влады́ку, / и б́урю страсте́й мо́их ути́ши, да пою́ Бо́гу моему́: / сла́вно бо просла́вился.

Песнь 3

Ирмо́с: *Небѣснаго круга Верхотворче, Гóсподи, / и Цѣркве Зиждителю, / Ты мене́ утверди́ в любви́ Твое́й, / желáний кра́ю, вѣрных утвержде́ние, // Еди́не Человѣколюбче.*

Ни врага́ рóда челове́ческаго, ни влады́к богоху́льных, / ни ору́жников дерзосѣрдых, претя́щих ти, не убо́явся, преподобномучениче Феóдоре, / вѣрою и упováнием на Гóспода был еси́ крѣпок, óбраз бо даде́ и́скренним своим, / да, якоже сотвори́ тако, б́удем и мы́ творити в терпѣнии скорбѣ́й / и стяжáнии смире́ния Христо́ва.

Пою́ще, сла́вит брáтия Печѣнжская тво́я пóдвиги пóстныя, / жити́е смире́нное и незло́бивое, преподóбне óтче, / и, твоѣ́ страдáние мученическое воспомина́юще, / прóсит невозносíteльно твоегó моли́твеннаго предста́тельства / за обитель свята́го Три́фона и за всю зѣмлю Кóльскую.

Сокруши́л еси́ терпѣнием всю си́лу вра́жию, / мужеуби́йц и ху́льников злѣ́йших, влады́к, погуби́вших сѣрдце, / сущих далѣ́че от пра́вды и претя́щих ти, не убо́ялся еси́, / преподобномучениче Феóдоре добропобѣ́дный, / и, мучѣ́ния путь до́блестно проше́д, дости́гл еси́ в несконча́емый поко́й Небѣсный, / иде́же со А́нгелы лику́еши во свѣ́те всех Творца́.

Богородичен: Недоумѣют вси язѣцы, како Небѣснаго круга
Верхотворец, / в творѣніих невместимый, в ложесна Твоя воплощаемь,
Всепорочная, вселѣся, / на спасѣние нас, вѣрно воспевающих Тя.

Седален, глас 6:

Мѹки мужественно во узѣлици претерпѣв, / подвизався даже до
болѣзни смѣртныя, / потоков беззаконий не ужасѣся: занѣ учинѣн бысть в
жизнь вѣчную. / Тѣмже убо научи нас в терпѣнии стяжати дѹши наша, /
почитающих вѣрою пречестнѹю пѣмать твою, преподобне Феодоре.
(Дважды.)

Слава, и ныне, Богородичен:

Преукрашенная Божественною славою, / Херувимов и Серафимов
превѣшши еси, Пренепорочная, / тѣмже Тя по долгу вси рѣди уболажают.

Песнь 4

Ирмос: *Ты моя крепость, Господи, / Ты моя и сила, / Ты мой Бог, Ты
моѣ радование, / не оставль недра Отца / и нашу нищету посети. / Тем с
пророком Аввакумом зову Ти: // силе Твоей слава, Человеколюбче.*

Рачитель Господень и крепок в вѣре от юности своея был еси, /
оружие бо крестное на рамена взем, / совлечеса одеяния смѣртнаго и
облечеса в безсмѣртное, / и дарова ти Господь венец живота. / Сѣго ради
земли Кольския на небеси надзиратель / и помощник месту сему явился
еси пресветел, / Богу поя песнь побѣдную.

Егда прииде во обитель Печѣнжскую гонѣние от безбожных, / столп
непоколебим явился еси, добропобѣдный Феодоре; / со отцем своим
духовным, преподобномучеником Пайсием, / правды ради страха
безбожных не убояся, ниже смутися, / и всех святых земли Кольския, яко
ближних сродник, в помощь призывал еси, / с нимиже купно ныне
прославляеши.

Изгнание и разлучение с братиею своею / мужественно претерпел
еси, преподобномучениче Феодоре, / жестокия терпя на теле болѣзни,
уязвляемь от руки сильных и жестоких мучителей, / но ничтоже возможе
разлучити тя от любви Божия.

Богородичен: Песнословим Тя, Владычице, Радость всему миру
Рождающая, / Того, яко Блага, моли, Всенепорочная, презрети беззакония
достойно Ему вопиющих: / силе Твоей слава, Человеколюбче.

Песнь 5

Ирмос: *Утреннююще, вопием Ти: / Господи, спаси ны, / Ты бо еси Бог
наш, // разве Тебе, иного не ве́мы.*

Вседержителя глас услышав, смиренный Феодоре, мирская вся
отринул еси / и ко реце Печензе стопы своя от веси Чаваньжския
направил еси, / идеже, во обители святей вселився, трудолюбно
подвизался еси / и в послушание Богу всецело себе вдал еси. /
Рясофорный мних бысть служебником преподобнаго Паисия игумена, / и
сей бе ти друг верен и кров крепок.

Исповеда пред Ангелы и человеки Имя Господне, / поругание и
биение претерпе от безбожных, / венец доброты восприяв, славне
Феодоре: / тело бо твое во внутренних могилы безвестныя, / душа же
высоте хваления уготовася / и тако пред Господем духов со Ангелы
вознесена бысть.

Блаженно житие твое на земли, славный отче, и кончина
безсмертна, / сего ради наследие нескверно и неувядаемо на Небесех
стяжал еси, преподобне. / Господи, молитвами угодника Твоего Феодора,
посети щедротами Церковь Твою, / юже стяжал еси честною Твоею
Кровию.

Богородичен: Яко одушевленный Чертог, восприявший Царя
царствующих, / и яко Престол Владычень, Марию Пренепорочную в
песнях возвеличим.

Песнь 6

Ирмос: *Молитву пролию ко Господу / и Тому возведу печали моя, /
яко зол душа моя исполнися / и живот мой аду приближися, / и молюся,
яко Иона: // от тли, Боже, возведи мя.*

Укреплен быв разумом Божественным, / обличал еси отметающихся
истинныя веры Христова, яко пребезумных, / скверных продерзостию и
силою о князе бесовстем напыщенных. / Темже Небесныя двери тебе
отверзоса, блаженне, / воспевающу Христа во вся веки.

Угобжаёт тя Господь от тѹка дому Своегó, / и потоком сладости Своея напаяет, / и пресвѣтлыя радости исполняет, блаженный Феодоре, / призвѣ подъяти за Христа мучение и предстати Троице Святей Духом очищенных. / Тако ближняя своя, сидящая во тьме и сени смертной, / лестви́и безбожия помраченныя, просветил еси / и молитвами твоими не попустил еси аду приблизиться.

Аще и горькими работы убйша врази тело твоё, преподобномучениче Феодоре, / обаче души твоея тма не коснѹся. / Темже явился еси столп огнегорящ Церкви Христовы и ходатай верен о нас, / тя вѣну пред Богом прославляющих.

Богородичен: Мати Всепетая, / миру всему Искупление от клятвы законныя родившая, / ныне наша моления приемлющи, моли спастися всем нам.

Кондак, глас 8:

Крест свой взем, Христу последовал еси, / монашеское житие и вольное страдание паче сладости мира сего возлюбил еси. / Веру Христову, противу греха подвизався, даже до крови исповедал еси, / сего ради избави нас от бед и всякаго зла, отче Феодоре, // и утоли наша печали молитвами твоими.

Ўкос:

В темницах градѹ Мурмана в сени смертной томился еси, / горькия работы в заточении земли Коми претерпел еси / и послежде, чашу страданий мужественно испив, / венцем неувядаемым украсился еси во Царствии Небеснем, богоблаженный Феодоре. / Да и мы будем готовы к воздаянием Царствия, / и свет бо вечный возсияет нам во веки молитвами твоими.

Песнь 7

Ирмос: *От Иудеи дошедше, отроцы / в Вавилоне иногда / верою Троицкою пламень пещный попраша, поюще: // отцев Боже, благословен еси*

Монашескаго жития образ ты яви и мучеников красоту прослави житием твоим, отче Феодоре, / ныне же, муки и язвы потерпев, по завету Христову живот вечный обрел еси. / Темже и Христос сокровищем

безсмертія на Небесі обогаті́ ты, / да, чтуще пресвѣтлую памѣть твою́,
волю́ зовѣм ти: / сподоби́ и нас радості́ насладитися / в Воскресѣніе
животѣ́ вѣчнаго, в срѣтєніе Господне.

Ранами́ и болѣзнями вели́кими помрачѣ́ся доброта́ телесѣ́ твоего́, /
обѣче́ свѣтлость́ душѣ́вная презельне́ возсия́ / благодати́ю Свята́го Ду́ха,
преподобне́ страдальче. / Тѣмже моли́ся Христу́́ Бо́гу, / дабы́ вѣрным
ча́дом Цѣ́ркве Правосла́вныя сподобитися́ жи́зни буду́щаго вѣ́ка, / иде́же
присѣ́щает свет Ли́ца́ Бо́жия.

Страда́ніем во́льным вся́ грехи́ и отступлѣ́нія, преподобномучени́че
Феодоре́, / я́ко плѣ́велы, исторгл еси́́ и огнемъ́ соже́гл еси́́, / по сем же
изы́де се́яти семенѣ́ добра́я слез твои́х, / тѣмже радості́ю ны́не
пожина́еши вѣ́чныя жи́зни клѣ́сы во Цѣ́рствіи Бо́жии.

Богородичен: Я́коже бо купина́, ю́же ви́де Моисе́й, не сгара́ше
опаля́ема, / та́ко Де́ва неопально́ пребыла́ еси́́, Пра́вды Со́лнце во чре́ве
зачѣ́ншая. / Того́ моли́ спасті́ся душѣ́м на́шим.

Песнь 8

Ирмос: *Царя́ Небѣснаго, / Егѣ́же пою́т во́и Ангельстии, // хвалі́те и
превозно́сите во вся́ вѣ́ки.*

Неусы́пна ты́ ймамы́ моли́твенника, / я́ко одержѣ́ша ны́ болѣ́зни
смѣ́ртныя и пото́цы беззако́нія смято́ша ны. / Ты́ же, о́тче
добропобѣ́дный, во́лны страсте́й утиша́еши, / печѣ́ли утоля́еши и лю́тых
вся́ческих нас избавля́еши, вопи́ющих: / благослови́те, вся́ дела́ Господня́,
Го́спода.

Мудрова́нія врага́ прегорда́го от высоты́́ се́рдца своего́́ в себѣ́ убѣ́в, /
уму́́ Божѣ́ственному приобщѣ́лся еси́́ во стра́се Господни́, / се́рдцем
совершенство́м, и жити́ем твои́м чѣ́стым, и ума́́ свѣтлості́ю / зовѣ́й
непреста́нно: / благослови́те, вся́ дела́ Господня́, Го́спода.

Изрѣ́днаго уго́дника Христо́ва пѣ́снями благохва́льными почтѣ́м, /
я́ко́ и́го злоключѣ́ній и страда́ній за Христа́́ восприя́л еси́́. / От Него́́ же
во Цѣ́рствіи Бо́жием, / я́ко до́блій во́ин, в подѣ́р сла́вы облече́н был еси́́, /
Изба́вителю́́ Бо́гу вопія́: / благослови́те, вся́ дела́ Господня́, Го́спода.

Богородичен: Рáдуйся, Благодáтная, Госпóдь с Тобóю, вещь Ти Архáнгел Гаври́ил: / из Тебé бо произы́де Отрочá Предвéчно, / за милосéрдие неизречéнное превозносímый / отцéв Бог Благословéнный.

Песнь 9

Ирмóс: *Устраши́ся всяк слух / неизречéнна Бóжия снизхождéния, / я́ко Вы́шний во́лею снiде да́же и до плóти, / от девíческаго чрэва быв Человéк. // Тёмже Пречíстую Богородицу, вёрни, велича́ем.*

Бо́лезни же и кровь тво́я, óтче преподóбне, / непорóчным сэменем вéры явiшася, / напитáнным обiльно елеем скорбéй и печáлей / и напоéнным слезáми в мéру воздыхáнии твоiх. / Ны́не же славослóвия приими́ от нас, чад твоiх, / плодý сэятвы твое́я благословя́щих, мýчениче прехвáльне.

Сочiслился еси́ мýченическим ликóм обiтели Печéнжския, óтче Феóдоре, / сострада́вшим ти во вся дни и за Христóм на Голгóфу возше́дшим. / При́сно велича́ем их, iже крéпко за iмя Госпóдне вооружáшася, / с ними же и ты вёрно ублажа́ем. / Да и мы моли́твами твоими́ очищёны, / очесý духóвными úзрим чертóг Небéсный в день Стра́шнаго Судá Госпóдня.

Помяни́, свýтче Бóжий, нас и всех вéрою и любóвию к тебé притека́ющих, / и умоли́ Семiлостиваго Бóга исцелiти ны от вся́кия бо́лезни душе́вныя и телéсныя, / оградíти от враг вiдимых и невiдимых, / я́ко да твоими́ тёплыми моли́твами низпóслет нам Христóс благодáть пронаречéннаго Дýха Утéшителя / и в час наш смёртный да не лишiт нас Цáрствия Сла́вы Свое́я.

Богородичен: Стрáнное и преслáвное чýдо вiдим о Тебé, Богоизбрáнная Влады́чице, / я́ко мiра Вседержiтель, Себé умáлив, плоть от Тебé приёмлет / и, пита́я Плóтию Своёю пречíстою, / к животу́ вéчному привóдит лю́ди Сво́я.

Светiлен. Подóбен: Женý, услы́шите:

Постóм пёрвее дóбре иску́сився, течéние божéственное во iночестве соверши́, / вторóе же, злопостражда́в, я́ко добр воiн Исусóв, на Небесá горé взы́де. / Ны́не Христý предсто́иши, Феóдоре, óтче преподóбне, / за нас моли́ся, тёпле пою́щих тя. *(Два́жды.)*

Слава, и ныне, Богородичен:

Радость неизреченную рождши, Господа, / радости нас Небесныя причастики сотвори, / всех Тебе почитающих, Пречистая, благодать истинну, / от души вопиющих Ти: / не забуди Твоя рабы, Благословенная Марие.

На хвалитех стихиры на 4, глас 6:

Праведных души в руке Божией, / и не прикоснется их мука. / Вмале наказан бе печалию и досаждениями телесными, мучениче Феодоре, / великими же облагодетельствован был еси, / яко Бог испытал тя и обрете тя достойна Себе. / Яко злато, в печи смирения искуси тя / и, яко всеплодие жертвенное, прият тя, // отче достохвальне. *(Дважды.)*

Блажен ты, мучениче Господень Феодоре, / иже не содела в руку своею беззакония, / ниже помысли на Господа лукавая: / дарова бо тебе веры благодать избранну / и жребий во храме Господни угоднейший. / Яко десницею покрыл есть ты и мышцею Своею защитил ты. / Сего ради приял еси Царствие благолепия / и венец доброты от руки Господни. / Тако вси вернии в любви пребудут Ему, / яко благодать и милость в преподобных Его // и посещение во избранных Его.

Скончався вмале, исполни лета долга своего, святыи Феодоре, / угодна бо бе Господеви душа твоя, / сего ради потщася от среды лукавствия: / яко благодать и милость в преподобных Его / и посещение во избранных Его, / ибо вменися, славный мучениче, в сынех Божиих, // и во святых жребий твой есть.

Слава, глас 6:

Сердце твое кратко / и мудрование смиренно явися, преподобне, / иже погубил еси возношения вся врага, / возвышаемь божественными добродетельми, / отче Феодоре, мучеников основание, адаманте твердый. / Ныне в селениях Небесных водворился еси, / воспевая со Ангелы Господеви песнь хвалебную, / ибо праведницы во веки живут, // и во Господе мзда их, и попечение их у Вышняго.

И ны́не, Богоро́дичен, глас то́йже:

Богоро́дице, Ты еси́ лоза́ и́стинная, / возрасти́вшая нам Плод Живота́, / Тебе́ мо́лимся: моли́ся, Влады́чице, / со святы́ми новому́ченики земли́ Ко́льския // поми́ловати ду́ши на́ша.

Славосло́вие вели́кое, ектений и отпу́ст.

НА ЛИТУРГИИ:

Блаже́нны от канона, пе́снь 3-я и 6-я. Прокі́мен, глас 7: Восхва́ляются преподо́бнии во сла́ве / и возра́дуются на ло́жах свои́х. Стих: Воспо́йте Го́сподеви пе́снь но́ву, / хвале́ние Его́ в Це́ркви преподо́бных. Апосто́л к Тимофе́ю, зача́ло 291. Аллилу́ия, глас 6: Блаже́н муж, бойся Го́спода, / в за́поведех Его́ восхо́щет зело́. Стих: Си́льно на земли́ бу́дет се́мя его́. Ева́нгелие от Матфе́я, зача́ло 36. Прича́стен: В па́мь вѣчную бу́дет пра́ведник:

Моли́тва свято́му преподо́бному́ченику Фе́одору Пече́нжскому

О, вели́кий уго́днице Христо́в, святы́й преподо́бному́чениче Фе́одоре! К тебе́ мы, грѣшнии и смире́ннии, я́ко к те́плому на́шему засту́пнику и ско́рому помо́щнику, моли́твенно прибега́ем и из глубины́ се́рдца взыва́ем: при́зри на ны ско́ро и умоли́ Человеколю́бца Бо́га, да не осу́дит нас, грѣшных, по беззако́нием на́шим, но да сотвори́т с на́ми по вели́цей Своёй ми́лости.

Оградí нас своим заступле́нием от облежа́щаго ны суемуд́рия и неправове́рия, и упаси́ заблуждшия о́вцы ста́да Христо́ва, и во двору́ Госпо́дни сия́ всели́. Оградí нас от собла́знов, ересей и раско́лов и наста́ви твёрдо в ве́ре Правосла́вней подви́затися. Потщи́ся, ско́рый о нас предста́телю, благоприя́тным твои́м ходата́йством умоли́ти Го́спода, да низпо́слет нам т́хое и богоуго́дное жити́е, уврачу́ет Своёю благода́тию на́ша болѣзни, душе́вныя и телѣсныя, согре́ет на́ша се́рдца любóвию друг ко дру́гу и сотвори́т ны братолóбны и единомы́сленны.

Испроси́ тако́жде у Го́спода и всего́ потре́бнаго для жити́я на́шего телѣснаго: земли́ плодороді́е, благорастворе́ние возду́хов и ми́рное устро́ение. Страну́ на́шу, ве́си и гра́ды охрани́ моли́твами твои́ми от огня́, пото́па, тру́са, вра́жескаго нашѣствия и вну́тренних нестро́ений. Утверди́ в нас па́мь сме́ртную, да и мы, во и́стиннем пока́нии и чи́стем

свѣдении совѣсти нашея представше ко Господу, сподобимся деснаго стоянїя и со всеми святыми воспоём славу Отцу, и Сыну, и Святому Духу во веки веков.

Ами́нь.